

諍何以故智者說有我亦說有智者說無我亦說無迦葉菩薩言世尊菩薩摩訶薩具足幾法不與世諍不爲世法之所沾汙佛言善男子菩薩摩訶薩具足十法不與世諍不爲世法之所沾汙何等爲十一者信心二者有戒三者親近善友四者內善思惟五者具足

精進六者具足正念七者具足智慧八者具足正語九者樂於正法十者憐愍衆生善男子菩薩具足如是十法不與世諍不爲世法之所沾汙如優鉢羅華迦葉菩薩白佛言世尊如佛所說世智說有我亦說有世智說無我亦說無何等名爲世智有無佛言善男子

無我云何如來說佛色身常恒無變世間智者所說無法云何如來說言是有如來世尊作如是說云何復言不與世諍不爲世法之所沾汙如來已離三種顛倒所謂想倒心倒見倒應說佛色實是無常今乃說常云何得名遠離顛倒不與世諍佛言善男子凡夫之色從煩惱生是故智說色是無常苦空無我如來色者遠離煩惱是故說是常恒無變

### 大般涅槃經卷第三十六

率六

拏星的鑽子幹煖音煥錯倉作敵音羸力爲繒疾陵辦蒲覓糞方問菟兔音畫音諍爭音

沾沾音

### 大般涅槃經卷第三十七

率七

北涼天竺三藏曇無識奉

詔譯

大般涅槃經迦葉菩薩品第十二之五

葛洪集解

是善男子是名世間智者說有我亦說有善男子世間智者說色無有常樂我淨受想行識亦復如是善男子是名世間智者說無我亦說無迦葉菩薩白佛言世尊世間智者應佛菩薩一切聖人若諸聖人色是無常苦空

十六

則能遠離譬如醫師先詣病脉知病所在然後授藥善男子如人將盲至棘林中捨之而還盲人於後甚難得出設得出者身體壞盡出間凡夫亦復如是不能知見三漏過患則隨逐行如其見者則能遠離知罪過已雖受果報果報輕微善男子有四種人一作業時重受報時輕二作業時輕受報時重三作業時重受報亦重四作業時輕受報亦輕善男子若人能觀煩惱罪過是人作業受果俱輕善男子有智之人作如是念我應遠離如是等漏又復不應作如是等鄙惡之事何以故我今未得脫於地獄餓鬼畜生人天報故我若修道當因是力破壞諸苦是人觀已貪欲瞋恚愚癡微弱既見貪欲瞋恚輕已其心歡喜復作是念我今如是皆由修道因緣力故令我得離不善之法親近善法是故現在得見正道應當勤加而修集之是人因是勤修道力遠離無量諸惡煩惱及離地獄餓鬼畜

生人天果報是故我於契經中說當觀一切有漏煩惱及有漏因何以故有智之人若但觀漏不觀漏因則不能斷諸煩惱也何以故智者觀漏從是因生我今斷因漏則不生善男子如彼醫師先斷病因病則不生智者先斷煩惱因者亦復如是有智之人先當觀因次觀果報知從善因生於善果知從惡因生於惡果觀果報已遠離惡因觀果報已復當次觀煩惱輕重觀輕重已先離重者既離重已輕者自去善男子智者若知煩惱煩惱因煩惱果報煩惱輕重是人爾時精勤修道不息不悔親近善友至心聽法為滅如是諸煩惱故善男子譬如病者自知病輕必可除差雖得苦藥服之不悔有智之人亦復如是勤修聖道歡喜不悔不息不懈善男子若人能知煩惱煩惱因煩惱果報煩惱輕重為除煩惱故勤修聖道是人不從煩惱生色受想行識亦復如是若不能知煩惱煩惱因煩惱果報

煩惱輕重不勤修集是人則從煩惱生色受想行識亦復如是善男子知煩惱煩惱因煩惱果報煩惱輕重爲斷煩惱修行道者即是如來以是因緣如來色常乃至識常善男子不知煩惱煩惱因煩惱果報煩惱輕重不能修道即是凡夫是故凡夫色是無常受想行

識悉是無常善男子世間智者一切聖人菩薩諸佛說是二義我亦如是說是二義是故我說不與世間智者共諍不爲世法之所沾汙迦葉菩薩復白佛言世尊如佛所說三有漏者云何名爲欲漏有漏無明漏耶佛言善男子欲漏者內惡覺觀因於外緣生於欲漏是故我昔在王舍城告阿難言阿難汝今受此女人所說偈頌是偈乃是過去諸佛之所宣說是故一切內惡覺觀外諸因緣名之爲欲是名欲漏有漏者色無色界內諸惡法外諸因緣除欲界中外諸因緣內諸覺觀是名有漏無明漏者不能了知我及我所不別內

外名無明漏善男子無明即是一切諸漏根本何以故一切衆生無明因緣於陰入界憶想作想名爲衆生是名想倒心倒見倒以是因緣生一切漏是故我於十二部經說無明者即是貪因瞋因癡因迦葉菩薩言世尊如來昔於十二部經說言不善思惟因緣生於

率七

三

貪欲瞋癡今何因緣乃說無明善男子如是二法互爲因果互相增長不善思惟生於無明無明因緣生不善思惟善男子其能生長諸煩惱者皆悉名爲煩惱因緣親近如是煩惱因緣名爲無明不善思惟如子生芽子是近因四大遠因煩惱亦尔迦葉菩薩白佛言世尊如佛所說無明即漏云何復言因無明故生於諸漏佛言善男子如我所說無明漏者是內無明因於無明生諸漏者是內外因若說無明漏是名內倒不識無常苦空無我若說一切煩惱因緣是名不知外我我所若說無明漏是名無始無終從無明生陰入界

等迦葉菩薩白佛言出尊如佛所說有智之人知於漏因云何名爲知於漏因善男子智者當觀何因緣故生是煩惱造作何行生此煩惱於何時中生此煩惱共誰住時生此煩惱何處止住生此煩惱觀何事已生於煩惱受誰房舍卧具飲食衣服湯藥而生煩惱何

因緣故轉下作中轉中作上下業作中中業作上菩薩摩訶薩作是觀時則得遠離生漏因緣如是觀時未生煩惱遮令不生已生煩惱便得除滅是故我於契經中說智者當觀生煩惱因迦葉菩薩白佛言出尊衆生一身云何能起種種煩惱佛言善男子如一器中有種種子得水爾已各各自生衆生亦尔器雖是一愛因緣故而能生長種種煩惱迦葉菩薩言世尊智者云何觀於果報善男子智者當觀諸漏因緣能生地獄餓鬼畜生是漏因緣得人天身即是無常苦空無我是身器中得三種苦三種無常是漏因緣能令衆生

作五逆罪受諸惡報能斷善根犯四重禁誹謗三寶智者當觀我既受得如是之身不應生起如是煩惱受諸惡果迦葉菩薩言出尊有無漏果復言智者斷諸果報無漏果報在斷中不諸得道人有無漏果如其智者求無漏果云何佛說一切智者應斷果報如其斷者今諸聖人云何得有善男子如來或時因中說果果中說因如出間人說泥即瓶縷即是衣是名因中說果果中說因者牛即水草人即是食我亦如是因中說果先於經中作是說言我從心身至梵天邊是名因中說果是說言我從心身至梵天邊是名因中說果果中說因此六入者名過去業是名果中說因善男子一切聖人真實無有無漏果報一切聖人修道果報更不生漏是故名爲無漏果報善男子有智之人如是觀時則得永滅煩惱果報善男子智者觀已爲斷如是煩惱果報修集聖道聖道者即空無相願修是道已能滅一切煩惱果報迦葉菩薩白佛言出

尊一切衆生皆從煩惱而得果報言煩惱者所謂惡也從惡煩惱所生煩惱亦名爲惡如是煩惱則有二種一因二果因惡故果惡果惡故子惡如紙婆果其子苦故華果莖葉一切皆苦猶如毒樹其子毒故果亦是毒因亦衆生果亦衆生因亦煩惱果亦煩惱煩惱因果即是衆生衆生即是煩惱因果若從是義云何如來先喻雪山亦有毒草微妙藥王若言煩惱即是衆生衆生即是煩惱云何而言衆生身中有妙藥王佛言善哉善哉善男子無量衆生成同此疑汝今能爲啓請求解我亦能斷諦聽諦聽善思念之今當爲汝分別

五  
七  
解說善男子雪山喻者即是衆生言毒草者即是煩惱妙藥王者即淨梵行善男子若有衆生能修如是清淨梵行是名身中有妙藥王迦葉菩薩白佛言世尊云何衆生有清淨梵行善男子猶如世間從子生果是果有能與子作因有不能者有能作者是名果子若

不能作唯得名果不得名子一切衆生亦復如是皆有二種一者有煩惱果是煩惱因二者有煩惱果非煩惱因是煩惱果非煩惱因二是則名爲清淨梵行善男子衆生觀受知是一切漏之近因所謂內外漏受因緣故不能斷絕一切諸漏亦不能出三界牢獄衆生因

受著我我所生於心倒想倒見倒是故衆生先當觀受如是受者爲一切愛而作近因是故智者能斷愛者當先觀受善男子一切衆生十二因緣所作善惡皆因受時是故我爲阿難說言阿難一切衆生所作善惡皆是受時是故智者先當觀受既觀受已復當更觀時是故智者先當觀受既觀受已復當更觀如是受者何因緣生若因緣生如是因緣復從何生若無因生無因何故不生無受復觀是受不因自在天生不因士夫生不因微塵生非時節生不因想生不因性生不從自生不從他生非自他生非無因生是受皆從緣合而生因緣者即是愛也是和合中非有受

非無受是故我當斷是和合斷和合故則不生受善男子智者觀因已次觀果報衆生因受受於地獄餓鬼畜生乃至三界無量苦惱受因緣故受無常樂受因緣故斷於善根受因緣故獲得解脫作是觀時不作受因云何名爲不作受因謂分別受何等受能作愛因

何等愛能作受因善男子衆生若能如是深觀愛因受因則便能斷我及我所善男子若人能作如是等觀則應分別愛之與受在何處滅即見愛受有少減處當知亦應有畢竟滅爾時即於解脫生信心生信心已是解脫處何由而得知從八正道即便修集云何名

卷七

六

爲八正道耶是道觀受有三種相一者苦二者樂三者不苦不樂如是三種俱能增長身之與心何因緣故能增長耶觸因緣也是觸三種一者無明觸二者明觸三者非明非無明觸言明觸者即八正道其餘二觸增長身心及三種受是故我應斷二種觸因緣觸斷

不生三受善男子如是受者亦名爲因亦名爲果智者當觀亦因亦果云何爲因因受生愛名之爲因云何名果因觸生故名之爲果是故此受亦因亦果智者如是觀是受已次復觀愛受果報故名之爲愛智者觀愛復有二種一者雜食二者無食雜食愛者因生老病死一切諸有無食愛者斷生老病死一切諸有貪無漏道智者復當作如是念我若生是雜食之愛則不能斷生老病死我今雖貪無漏之道不斷受因則不能得無漏道果是故應當先斷是觸觸既斷已受則自滅受既滅已愛亦隨滅是名八正道善男子若有衆生能如是觀雖有毒身其中亦有微妙藥王如雪山中雖有毒草亦有妙藥善男子如是衆生雖從煩惱而得果報而是果報更不復爲煩惱作因是則名爲清淨梵行復次善男子智者當觀受愛二事何因緣生知因想生

卷七

七

生貪若於色中生顛倒想謂色即是常樂我淨受是常恒無有變易因是倒想生貪恚癡是故智者應當觀想云何觀想當作是念一切衆生未得正道皆有倒想云何倒想於非常中生於常想於非樂中生於樂想於非淨中生於淨想於空法中生於我想於非男女

大小晝夜歲月衣服房舍卧具生於男女至卧具想是想三種一者小二者大三者無量小因緣故生於小想大因緣故生於大想無量緣故生無量想復有小想謂未入定復有大想謂已入定復有無量想謂十一切入復有小想所謂欲界一切想等復有大想所謂

色界一切想等復有無量想謂無色界一切想等三想滅故受則自滅想受滅故名爲解脫迦葉菩薩言世尊滅一切法名爲解脫如來云何說想受滅名解脫耶佛言善男子如來或時因衆生說法聞者解法或時因法說於衆生聞者亦解說於衆生云何名爲因衆

生說聞者解法如我先爲大迦葉說迦葉衆生滅時善法則滅是名因衆生說聞者解法云何因法說於衆生聞者亦解說於衆生如我先爲阿難說言我亦不說親近一切法亦復不說不親近一切法若法近已善法衰羸不善熾盛如是法者不應親近若法近已不善衰滅善法增長如是法者是應親近是名因法說於衆生聞者亦解說於衆生善男子如來雖說想受二滅則已惣說一切可斷智者既觀如是想已次觀想因是無量想因何而生知因觸生是觸二種一者因煩惱觸二者因解脫觸因無明生名煩惱觸因明生者

名解脫觸因煩惱觸生於倒想因解脫觸生不倒想觀想因已次觀果報迦葉菩薩白佛言世尊若以因此煩惱之想生於倒想一切聖人實有倒想而無煩惱是我云何佛言善男子云何聖人而有倒想迦葉菩薩言世尊一切聖人牛作牛想亦說是牛馬作馬想亦

率七

說是馬男女大小舍宅車乘去來亦尔是名倒想善男子一切凡夫有二種想一者世流布想二者著想一切聖人唯有世流布想無有著想一切凡夫惡覺觀故於世流布生於著想一切聖人善覺觀故於世流布不生著想是故凡夫名為倒想聖人雖知不名倒想

智者如是觀想因已次觀果報是惡想果在於地獄餓鬼畜生人天中受如我因斷惡覺觀故無明觸斷是故想斷因想斷故果報亦斷智者為斷如是想因修八正道善男子若有能作如是等觀則得名為清淨梵行善男子是名衆生毒身之中有妙藥王如雪山中雖有毒草亦有妙藥復次善男子智者觀欲欲者即是色聲香味觸善男子即是如來因中說果從此五事生於欲耳實非欲也善男子患癡之人貪求受之於是色中生顛倒想乃至觸中亦生倒想倒想因緣便生於受是故世間說因倒想生十種想欲因緣故在於

世間受惡果報以惡加於父母沙門婆羅門等所不應作而故作之不惜身命是故智者觀是惡想因緣故生欲心智者如是觀欲因已次觀果報是欲多有諸惡果報所謂地獄餓鬼畜生人中天上是名觀果報若是惡想得除滅者終不生於此欲心也無欲心故不受惡受無惡受故則無惡果是故我應先斷惡想斷惡想已如是等法自然而滅是故智者為滅惡想修八正道是則名為清淨梵行是名衆生毒身之中有妙藥王如雪山中雖有毒草亦有妙藥復次善男子智者如是觀是欲已次當觀業何以故有智之人當作是念受想觸欲即是煩惱是煩惱者能作生業不作受業如是煩惱與業共行則有二種一作生業二作受業是故智者當觀於業是業三種謂身口意善男子身口二業亦名為業亦名業果意唯名業不名為果以業因故則名為業善男子身口二業名為外業意業名

卷十七

九

內是三種業共煩惱行故作二種業一者生業二者受業善男子正業者即意業也期業者謂身口業先發故名意業從意業生名身口業是故意業得名爲正智者觀業已次觀業因業因者即無明觸因無明觸衆生求有求有因緣即是愛也愛因緣故造作三種身

口意業善男子智者如是觀業因已次觀果報果報有四一者黑黑果報二者白白果報三者雜雜果報四者不黑不白不黑不白果報黑黑果報者作業時垢果報亦垢白白果報者作業時淨果報亦淨是名白白果報雜雜果報者作業時雜果報亦雜不白不黑不白不黑果報者名無漏業迦葉菩薩白佛言世尊是無漏業非是黑法世尊先說無漏無有果報今云何言不白不黑果報耶佛言善男子是義有二一者亦果亦報二者唯果非報黑黑果報亦名爲果亦名爲報黑因生故得名爲果能作因故復名爲報淨雜亦尔無漏果者因有漏生故名爲

果不作他因不名爲報是故名果不名爲報迦葉菩薩白佛言世尊是無漏業非是黑法何因緣故不名爲白善男子無有報故不名爲白對治黑故故名爲白我今乃說受果報者名爲黑白是無漏業不受報故不名爲白名爲寂靜如是業者有定受報處如十惡法定在地獄餓鬼畜生十善之業定在人天十不善法有上中下上因緣故受地獄身中因緣故受畜生身下因緣故受餓鬼身人業十善復有四種一者下二者中三者上四者上下因緣故生鬱單越中因緣故生弗婆提上因緣故生瞿陀尼上上因緣生閻浮提有

智之人作是觀已即作是念我當云何斷是果報復作是念是業因緣無明觸生我若斷除無明與觸如是業果則滅不生是故智者爲斷無明觸因緣故修八正道是則名爲清淨梵行善男子是名衆生毒身之中有妙藥王如雪山中雖有毒草亦有妙藥復次善男

子智者觀業觀煩惱已次觀是二所得果報是二果報即是苦也既知是苦則能捨離一切受生智者復觀煩惱因緣生於煩惱業因緣故亦生煩惱煩惱因緣復生於業業因緣生苦苦因緣故生於煩惱煩惱因緣生有有因緣生苦苦因緣生有有因緣生業業因緣生煩惱煩惱因緣生苦苦因緣生業善男子智者若能作如是觀當知是人能觀業苦何以故如上所觀即是生死十二因緣若人能觀如是生死十二因緣當知是人不造新業能壞故業善男子有智之人觀地獄苦觀一地獄乃至一百三十六所一一地獄有種種苦皆是煩惱業因緣生觀地獄已次觀餓鬼畜生等苦作是觀已復觀人天所有諸苦如是衆苦皆從煩惱業因緣生善男子天上雖無大苦惱事然其身體柔軟細滑見五相時極受大苦如地獄苦等無差別善男子智者深觀三界諸苦皆從煩惱業因緣生善男子

卷十七

十一

譬如坏器則易破壞衆生受身亦復如是既受身已是衆苦器譬如大樹華果繁茂衆鳥能壞如多乾草小火能焚衆生受身爲苦所壞亦復如是善男子智者若能觀苦八種如聖行中當知是人能斷衆苦善男子智者深觀是八苦已次觀苦因苦因者即愛無明是愛無明則有二種一者求身二者求財求身求財二俱是苦是故當知愛無明者即是苦因善男子是愛無明則有二種一者內二者外內能作業外能增長又復內能作業外作業果斷內愛已業則得斷斷外愛已果則得斷內愛能生未來世苦外愛能生現在世苦智者觀愛即是苦因既觀因已次觀果報苦果報者即是取也愛果名取是取因緣即內外愛則有愛苦善男子智者當觀愛因緣取取因緣愛若我能斷愛取二事則不造業受於衆苦是故智者爲斷愛苦修八正道善男子若有人能如是觀者是則名爲清淨梵行

是名衆生毒身之中有妙藥王如雪山中雖有毒草亦有妙藥迦葉菩薩白佛言世尊云何名爲清淨梵行佛言善男子一切法是迦葉菩薩言世尊一切法者義不決定何以故如來或說是善不善或時說爲四念處觀或說是十二入或說是善知識或說是十二因緣或說是衆生或說是正見邪見或說十二部經或說即是二諦如來今乃說一切法爲清淨梵行悉是何等一切法耶佛言善哉善哉善男子如是微妙大涅槃經乃是一切法中寶藏譬如大海是衆寶藏是涅槃經亦復如是即是一切字義祕藏善男子如須彌

率七  
山衆藥根本是經亦尔即是菩薩戒之根本善男子譬如虛空是一切物之所住處是經亦尔即是一切善法住處善男子譬如猛風無能繫縛一切菩薩行是經者亦復如是不爲一切煩惱惡法之所繫縛善男子譬如金剛無能壞者是經亦尔雖有外道惡邪之人

不能破壞善男子如恒河沙無能數者如是經義亦復如是無能數者善男子是經典者爲諸菩薩而作法幢如帝釋幢善男子是經即是趣涅槃城之商主也如大導師引諸商人趣向大海善男子是經能爲諸菩薩等作法光明如世日月能破諸闇善男子是經能

爲病苦衆生作大良藥如雪山中微妙藥王能治衆病善男子是經能爲一闡提杖猶如羸人因之得起善男子是經能爲一切惡人而作橋梁猶如世橋能度一切善男子是經能爲行二十五有者遇煩惱熱而作蔭涼如世間蓋遮覆暑熱善男子是經即是大無畏

率七  
王能壞一切煩惱惡魔如師子王降伏衆獸善男子是經即是大神呪師能壞一切煩惱惡鬼如世呪師能去魍魎善男子是經即是無上霜雹能壞一切生死果報如世雹雨壞諸果實善男子是經能爲壞戒目者作大良藥猶如世間安閑那藥善療眼痛善男子是

經能住一切善法如世間地能住衆物善男子是經即是毀戒衆生之明鏡也如世明鏡見諸色像善男子是經能爲無慚愧者而作衣服如世衣裳障蔽形體善男子是經能爲貧善法者作大財寶如功德天利益貧者善男子是經能爲渴法衆生作甘露漿如八味水充足渴者善男子是經能爲煩惱之人而作法牀如世之人遇安隱牀善男子是經能爲初地菩薩至十住菩薩而作瓔珞香華塗香抹香燒香清淨種性具足之乘過於一切六波羅蜜受妙樂處如忉利天波利質多羅樹善男子是經即是剛利智斧能伐一切煩惱大樹即是利刀能割習氣即是勇健能摧魔怨即是智火焚煩惱薪即因緣藏出辟支佛即是聲聞藏生聲聞人即是一切諸天之眼即是一切人之正道即是一切畜生依處即是餓鬼解脫之處即是地獄無上之尊即是一切十方衆生無上之器即是十方過去

未來現在諸佛之父母也善男子是故此經攝一切法如我先說此經雖攝一切諸法我說梵行即是三十七助道之法善男子若離如是三十七品終不能得聲聞正果乃至阿耨多羅三藐三菩提果不見佛性及佛性果以是因緣梵行即是三十七品何以故三十

士品性非顛倒能壞顛倒性非惡見能壞惡見性非怖畏能壞怖畏性是淨行能令衆生畢竟造作清淨梵行迦葉菩薩白佛言世尊有漏之法亦復能作無漏法因如來何故不說有漏爲清淨梵行善男子一切有漏即是顛倒是故有漏不得名爲清淨梵行迦葉菩

薩白佛言世尊世第一法爲是有漏是無漏耶佛言善男子是有漏也世尊雖是有漏性非顛倒何故不名清淨梵行善男子世第一法無漏因故似於無漏向無漏故不名顛倒善男子清淨梵行發心相續乃至畢竟世第一法唯是一念是故不得名淨梵行迦葉菩

薩白佛言世尊衆生五識亦是有漏非是顛倒復非一念何故不名清淨梵行善男子衆生五識雖非一念然是有漏復是顛倒增諸漏故名爲有漏體非真實著想故倒云何名爲體非真實著想故倒非男女中生男女想乃至舍宅車乘瓶衣亦復如是是名顛倒善

男子二十七品性無顛倒是故得名清淨梵行善男子若有菩薩於三十七品知根知因知攝知增知主知導知勝知實知畢竟者如是菩薩則得名爲清淨梵行迦葉菩薩白佛言世尊云何名爲知根乃至知畢竟耶佛言善男子善哉善哉菩薩發問爲於二事一者爲自知故二者爲他知故汝今已知但爲無量衆生未解啓請是事是故我今重讚歎汝善哉善哉善男子三十七品根本是欲因名明觸攝取名受增名善思主名爲念導名爲定勝名智慧實名解脫畢竟名爲大般涅槃善男子善欲即是初發道心乃至阿耨多羅

三藐三菩提之根本也是故我說欲爲根本善男子如世間說一切苦惱愛爲根本一切疾病宿食爲本一切斷事鬪諍爲本一切惡事虛妄爲本迦葉菩薩白佛言世尊如來先於此經中說一切善法不放逸爲本今乃說欲是義云何佛言善男子若言生因善欲是

卷七

十五

也若言了因不放逸是如世間說一切果者子爲其因或復有說子爲生因地爲了因是義亦尔迦葉菩薩言世尊如來先於餘經中說三十七品佛是根本是義云何善男子如來先說衆生初知三十七品佛是根本若自證得欲爲根本世尊云何明觸名之爲因善男

子如來或時說明爲慧或說爲信善男子信因緣故親近善友是名爲觸親近因緣得聞正法是名爲觸因聞正法身口意淨是名爲觸因三業淨獲得正命是名爲觸因正命故得淨根戒因淨根戒樂寂靜處因樂寂靜能善思惟因善思惟得如法住因如法住得三

十七品能壞無量諸惡煩惱是名爲觸善男子受名攝取衆生受時能作善惡是故名受爲攝取也善男子受因緣故生諸煩惱三十七品能破壞之是故以受爲攝取也因善思惟能破煩惱是故名增何以故勤修集故得如是等三十七品若觀能破諸惡煩惱要賴專念是故以念爲主如世間中一切四兵隨主將意三十七品亦復如是皆隨念主善男子旣入定已三十七品能善分別一切法相是故以定爲導是三十七品分別法相齊爲最勝是故以慧爲勝如是智慧知煩惱已智慧力故煩惱消滅如世間中四兵壞怨或一或二勇健者能三十七品少復如是智慧力故能壞煩惱是故以慧爲勝善男子雖因修習三十七品獲得四禪神通安樂亦不名實若壞煩惱證解脫時乃名爲實是三十七品發心修道雖得世樂及出世樂四沙門果及以解脫亦不得名爲畢竟也若能斷除三十

七品所行之事是名涅槃是故我說畢竟者即大涅槃復次善男子善愛念心即是欲也因善愛念親近善友故名爲觸是名爲因因近善友故名爲受是名攝取因近善友能善思惟故名爲增因是四法能生長道所謂欲念定智是則名爲主導勝也因是三法得二解脫除斷愛故心得解脫斷無明故慧得解脫是名爲實如是八法畢竟得果名爲涅槃故名畢竟復次善男子欲者即是發心出家觸者即是白四羯磨是名爲因攝者即是受二種戒一者波羅提木叉戒二者淨根戒是名爲受是名攝取增者即是修習四禪主者即是須陀洹果斯陀含果導者即是阿那含果勝者即是阿羅漢果實者即是辟支佛果畢竟者即是阿耨多羅三藐三菩提果復次善男子欲名爲識觸名六入攝名爲受增名無明主名名色導名爲愛勝名爲取實名爲有畢竟者名生老病死

# 大般涅槃經卷第三十七

率七

音釋

詐昧之忍反鄙惡美切溼上碑禁反同前而  
壞器回反域干力闢同魍魎兩妖也音同霜電下蒲反

## 大般涅槃經卷第三十八

率八

北涼天竺三藏曇無讖奉 詔譯

### 大般涅槃經迦葉菩薩品第十二之六

迦葉菩薩言世尊根本因增如是三法云何有異善男子所言根者即是初發因者即是相似不斷增者即是滅相似已能生相似復次善男子根即是作因即是果增即可用善男子未來之世雖有果報以未受故名之爲因及其受時是名爲增復次善男子根即是求得即是因用即是增善男子是經中根即是見道因即是修道增者即是無學道也復次善男子根即是正因因即方便翹是正因

者死想七者多過罪想八者離想九者滅想十者無愛想善男子菩薩摩訶薩比丘比丘尼優婆塞優婆夷修集如是十種想者是人畢竟定得涅槃不隨他心自能分別善不善等是名真實稱比丘義乃至得稱優婆夷義迦葉菩薩言世尊云何名爲菩薩乃至優婆夷等修無常想善男子菩薩二種一初發心二已行道無常想者亦復二種一麤二細初心菩薩觀無常想時作是思惟世間之物凡有二種一內二外如是內物無常變異我見生時小時大時壯時老時死時是諸時節各各不同是故當知內物無常復作是念我見